

Broj: 06-03-665-08/49/17
Mostar, 14.09.2017. godine

Na osnovu člana 21. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 217. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (5) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), Regulatorna komisija za energiju u Federaciji Bosne i Hercegovine – FERK je dana 14.09.2017. godine na XV redovnoj sjednici donijela sljedeći

ZAKLJUČAK

1. U Rješenju Regulatorne komisije za energiju u Federaciji Bosne i Hercegovine-FERK broj: 06-03-665-07/49/17 od 29.08.2017. godine, kojim je izdata dozvola za rad „EKO-ENERGY“ d.o.o. Tešanj, u Obrazcu o statusu kvalifikovanog proizvođača iz tačke 2. ovog rješenja, koja čini njegov sastavni dio, u dijelu „Lokacija“, ispravlja se greška na način da se riječi „opština Vareš“ zamjenjuju riječima „Grad Zenica“.
2. Ova ispravka ima pravno djelovanje od dana od kojeg pravno djelovanje ima rješenje iz tačke 1. ovog zaključka.
3. Ovaj zaključak se prilaže originalu rješenja iz tačke 1. ovog zaključka i čini njegov sastavni dio.
4. Ovaj zaključak je konačan, te se objavljuje se na internet stranici i oglasnoj tabli FERK-a, a dispozitiv ovog zaključka u „Službenim novinama Federacije BiH“.

Obrazloženje

Regulatorna komisija za energiju u Federaciji Bosne i Hercegovine – FERK je na XIV redovnoj sjednici održanoj u Mostaru 29.08.2017. godine, postupajući po Zahtjevu „EKO-ENERGY“ d.o.o. Tešanj za izmjenu i dopunu dozvole za rad broj 06-03-665/49/17, u postupku izmjene i dopune Dozvole za rad za proizvodnju električne energije broj 06-03-248/11/17 od 24.04.2017. godine, sa novim proizvodnim objektom hidroelettranom „PODJEZERA“, koji je u FERK primljen 07.07.2017. godine donijela Rješenje broj 06-03-665-07/49/17 od 29.08.2017. godine čiji je sastavni dio i Obrazac o statusu kvalifikovanog proizvođača. U navedenom rješenju, u Obrazcu o statusu kvalifikovanog proizvođača, koji čini njegov sastavni dio, učinjena je greška u lokaciji proizvodnog postrojenja, te je istu, u skladu sa članom 217. Zakona o upravnom postupku, trebalo ispraviti, sa pravnim djelovanjem od dana od koga proizvodi pravno djelovanje rješenje koje se ispravlja.

Obzirom na navedeno, te postupajući u skladu sa članom 78. Pravilnika o javnim raspravama i rješavanju zahtjeva, sporova i žalbi, odlučeno je kao u dispozitivu zaključka.

POUKA O PRAVNOM LIJEKU:

Protiv ovog zaključka može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović